
Халқ депутатлари Қува тумани Кенгашининг навбатдаги сессияси бўлиб ўтди

Қува тумани ҳокимлигида халқ депутатлари туман Кенгашининг олтинчи чақириқ эллик тўққизинчи сессияси бўлиб ўтди.

Сессияда тумандан сайланган вилоят Кенгаши депутатлари, туман сектор раҳбарлари, туман ҳокимининг ўринбосарлари, кун тартибига киритилган масалага алоқадор ташкилотлар раҳбарлари ҳамда оммавий ахборот воситалари вакиллари иштирок этдилар.

Сессия ишида 2023 йилда туманда қонунийликни таъминлаш бўйича олиб борилган ишлар, жиноятчилик ҳолати таҳлили ва 2024 йилдаги вазифалар тўғрисида туман прокурори ҳамда туман ИИБ бошлиғининг ахборотлари, маънавий-маърифий йўналишда амалга оширилаётган ишлар, янги иш ўринлари яратиш бўйича кўрилаётган чоралар юзасидан масъулларнинг ҳисоботлари эшитилди.

Шунингдек кун тартибидаги масалалар юзасидан туман МИБ раҳбари, адлия бўлими бошлиғи, Тиббиёт бирлашмаси раҳбарларининг 2023 йил давомида соҳада амалга оширилган ишлар ва 2024 йилга устувор вазифалар юзасидан ҳисоботлари тингланди.

Кун тартибидаги масалалар юзасидан берилган саволларга масъуллар томонидан тегишли жавоблар берилди.

Шунингдек мазкур йўналишларда йўл қўйилаётган камчиликлар ҳам кўрсатиб ўтилиб тегишли вазифалар белгилаб берилди.

Кун тартибидаги масалалар юзасидан қарор лойиҳалари тайёрланиб, депутатлар томонидан мақулланди ва тасдиқланди.

2024-01-30 18:56:26